



SECTIO III.

METALLORVM PRAEPA- RATIONES.

Causticum Lunare, seu lapis infernalis.

℞ Argenti probe cupellati, in laminas ex-
tensi et conscissi q. v.

Solvatur in phiala ex arena cum

Spiritus nitri triplo.

*Solutio euaporetur ad siccitatem. Tum calx
immittatur crucibulo amplo. Sit ignis primo
mitis, sensim augendus, donec massa fluat instar
olei, nec amplius fumet: tum infundatur fistulis
ferreis (ad id paratis) calefactis et seuo inunctis.
Exsicceetur lapis, et seruetur in vitro optime
clauso.*

Calx louis.

℞ Stanni q. v.

*Liquefiat in vase victili, non vitreato, et assidue
agitetur spathula ferrea donec in calcem abeat.*

I 4

Sal

Sal Iouis.

℞ Calcis Iouis libram vnam.

Aquae regiae, cum aquae fontanae sextuplo dilutae, vncias quatuor.

Digere in arena per biduum; tum post vasis agitationem et calcis ponderosioris subsidentiam effunde liquorem turbidum, qui exhalet fere ad siccitatem. Massa chartae emporeticae imposita exsiccetur. Calci residuae affunde dimidium liquoris soluentis, et perge vt supra.

Minium.

℞ Plumbi q. v.

Fundatur in vase victili non vitreato, agitando spatula ferrea donec abeat in puluerem primo subnigrum, postea flauum, tandem ruberrimum, qui minium dicitur, cauendo ne igne vehementiore in massam vitream abeat,

Cerussa.

℞ Laminarum tenuissimarum plumbi q. v.

Suspendantur in vase victili, in cuius fundo sit Aceti q. f,

vt vapor ab aceto eleuatus laminas circumeat; digere in fimo equino per dies viginti, tumque abradatur puluis albus, et laminarum quod superest rursus aceti vaporibus exponatur, donec in puluerem omnino facessant.

Saccha-

Saccharum Saturni.

℞ Cerussae q. v.

Immittatur cucurbitae, et affunde

Aceti destillati q. s. ad supereminentiam quatuor digitorum.

Digere in arena dies aliquot, donec acetum dulcescat: post subsidentiam separetur, nouumque toties affundatur, donec acetum dulcedine vacuum deprehendatur: tum liquorum omnium, per subsidentiam depuratorum, in vase vitreo fiat euaporatio ad spissitudinem mellis liquidioris, ut in loco frigido concrecant crystalli in umbra siccandae.

Reliquum ad cuticulam exhalet, et reponatur in frigido, ut nouae concrecant crystalli; totiesque iteretur euaporatio, donec nullae amplius appareant.

Mars solubilis, seu chalybs tartarificatus.

℞ Limaturae Martis sine praep.

Crystallorum tartari ana. p. aequ.

Aquae pluuiialis q. s.

ut formetur massa in B. A. exsiccanda, quae dein trita, madefacta, et exsiccata aliquoties, fatiscit tandem in puluerem impalpabilem.

Mars sulphuratus.

℞ Limaturae Martis sine praep. q. v.

Flor. sulphuris pondus duplum.

Aquae fontanae q. s.

ut fiat pasta, quae per sex horas in quiete maneat, ut intumescat. Dein trita et crusibulo paulatim immissa deflagret, assidue agitando spatula ferrea, ut faceat in puluerem nigerrimum.

Si ulterius igne urgetur, rubedinem contrahit, diciturque

Crocus Martis aperiens.

Qui, rursus igne vehementissimo diu reuerberatus, appellatur

Crocus Martis astringens.

Vtriusque croci vicem supplere potest colcothar vitrioli.

Vitriolum Martis, seu sal chalybis.

℞ Limaturae ferri sine praep. vncias tres.

Sensim et caute affunde

Olei vitrioli, aequali copia aquae calidae diluti, vncias quatuor.

Digere in cucurbita per horas duodecim, ut fiat solutio, quae calide filtrata ad cuticulam euaporetur, et reponatur in loco frigido, ut vitriolum in fundo concreseat. Denuo liquor supernatans ad cuticulam exhalet et reponatur. Crystalli omnes collectae super chartam exsiccentur in umbra.

SECTIO